

## **ЧИН МОЛЕБНАГО ПЕНИЯ О ВРАЗУМЛЕНИИ ИМУЩИХ НАМЕРЕНИЕ ПОГУБИТИ МЛАДЕНЦА ВО ЧРЕВЕ**

Чин сей поем месяца декабря в 29 день, в память святых мученик младенцев Вифлеемских от Ирода избиенных, или во ин день, вонже настоятель изволит

**Диáкон:** Благословѣ, владыко.

**Священник:** Благословѣн Бог наш, всегда, ныне и присно, и во веки веков.

**Лик:** Амѣнь.

**Диáкон:** Слава Тебѣ, Бóже наш, слава Тебѣ.

**И вси людие:** Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

**Чтец:** Святый Бóже, Святый Крепкий, Святый Безсмертный, помилуй нас. (Трижды).

**Слава, и ныне:**

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды.)

**Слава, и ныне:** Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Священник:** Яко Твое есть царство и сила и слава, Отца и Сына и Святаго Духа, ныне и присно и во веки веков.

**Чтец:** Амѣнь. Господи, помилуй. (12 раз.)

**Слава, и ныне:**

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

### **Псалом 138**

Господи, искусил мя еси и познал мя еси: ты познал еси седание мое и востание мое. Ты разумел еси помышления моя издавеча: стезю мою и уже мое Ты еси исследовал и вся пути моя провидел еси. Яко несть лести в языке моем: се, Господи, Ты познал еси вся последняя и древняя: Ты создал еси мя и положил еси на мне руку Твою. Удивися разум Твой от мене, утвердися, не возмогу к нему. Камо пойду от Духа Твоего? И от лица Твоего камо бежу? Аще възыду на небо, Ты тамо еси: аще сниду во ад, тамо еси. Аще возму криле мои рано и

вселюся в последних моря, и тамо бо рука Твоя наставит мя, и удержит мя десница Твоя. И рех: еда тьма поперет мя? И ночь просвещение в сладости моей. Яко тьма не помрачится от Тебе, и ночь яко день просветится: яко тьма ея, тако и свет ея. Яко Ты создал еси утробы моя, восприял мя еси из чрева матере моея. Исповемся Тебе, яко страшно удивился еси: чудна дела Твоя, и душа моя знает зело. Не утаися кость моя от Тебе, юже сотворил еси в тайне, и состав мой в преисподних земли. Несоделанное мое видесте очи Твои, и в книзе Твоей вси напишутся: во днех созиждутся, и никтоже в них. Мне же зело честни быша друзи Твои, Боже, зело утвердишася владычества их: изочту их, и паче песка умножатся: востях, и еще есмь с Тобою. Аще избиеши грешники, Боже: мужие кровей, уклонитесь от мене. Яко ревниви есте в помышлениях, примут в суету грады Твоя. Не ненавидящия ли Тя, Господи, возненавидех, и о вразех Твоих истаях? Совершенною ненавистию возненавидех я: во враги быша ми. Испуши мя, Боже, и увещай сердце мое: истязи мя и разумей стези моя: и виждь, аще путь беззакония во мне, и настави мя на путь вечен.

**Слава, и ныне:** Аллилу́иа, аллилу́иа, аллилу́иа, сла́ва Тебе́, Бо́же. (Три́жды.)

**Ектений вели́кая:**

**Міром Го́споду помо́лимся.**

**На каждое прошение лик:** Го́споди, поми́луй.

**О** свѣ́шнем мі́ре и спасѣ́нии душ на́ших, Го́споду помо́лимся.

**О** мі́ре все́го мі́ра, благосто́янии Святы́х Бо́жиих Церкве́й и соединѣ́нии всех, Го́споду помо́лимся.

**О** святе́м хра́ме сем, и с ве́рою, благоговѣ́нием и стра́хом Бо́жиим входя́щих вонь, Го́споду помо́лимся.

**О** вели́ком господі́не и отце́ на́шем Святе́йшем Патриа́рхе Кири́лле, и о господі́не на́шем высокопреосвяще́ннейшем митрополи́те (*или́:* архиепи́скопе, *или́:* преосвяще́ннейшем епи́скопе *имярек*), честне́м пресви́терстве, во Христѣ́ диа́констве, о все́м при́чте и лю́дех, Го́споду помо́лимся.

**О** богохрани́мей стране́ на́шей, власте́х и во́инстве ея́, Го́споду помо́лимся.

**О** гра́де сем (*или́:* о ве́си сей, *или́:* о святе́й оби́тели сей), все́м гра́де, стране́ и ве́рою живу́щих в них, Го́споду помо́лимся.

**О** благорастворе́нии возду́хов, о изоби́лии пло́дов земны́х и вре́менех ми́рных, Го́споду помо́лимся.

**О** пла́вающих, путеше́ствующих, недугующих, стра́ждущих, пленѣ́нных, и о спасѣ́нии их, Го́споду помо́лимся.

**Прилага́ет и сия́:**

**О** еже вразумитися браті́ям и сестрам на́шим греховным помы́слом детоуби́йства обу́реваемым, и о еже изба́виться им от безрассудна́го сего́ омраче́ния и в покая́ние и разум истины при́ити, Го́споду помо́лимся.

О еже страхом Своим оградити отцы и матери, сродники их и вся окрест их сущия, малодушием, корыстолюбием и неведением искушаемыя, Господу помолимся.

О еже разумети им волю Господню, благую и всесовершенную, и к да не презрят единого от малых сих, младенец родиться имущих, Господу помолимся.

О еже дароватися им же и нам благому намерению друг друга тяготы носить и тако исполнити закон Христов, Господу помолимся.

О избавитися им же и нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

**Лик:** Тебе, Господи.

**Священник возглашает:**

Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков.

**Лик:** Аминь.

**И абие диакон глаголет:**

Бог Господь, и явился нам, благословен Грядый во Имя Господне.

**Стих 1:** Исповедайтесь Господеву, яко Благ, яко в век милость Его.

**Стих 2:** Обышедше, обыдоша мя, и Именем Господним противляхся им.

**Стих 3:** Не умру, но жив буду, и повею дела Господня.

**Стих 4:** Камень, егоже небрегоша зиждущии, сей бысть во главу угла: от Господа бысть сей, и есть дивен во очесех наших.

**Лик:** Бог Господь: во глас 2, к коемуждо стиху.

**Таже тропарь, глас 2:**

По образу Твоему сотворивый человеки/ и повелевый им множитися на земли,/ призри на люди Твоя/ и, в вере, надежде и любви сия уцеломудри,/ от греха чадогубительного удержи/ и к хранению заповедей Твоих приведи,/ во еже пети Тя и славить непрестанно,// едине Человеколюбче.

**Слава, глас тойже:**

Молитвами святых младенец Вифлеемских,/ беззаконным повелением от Ирода убиенных,/ избави землю нашу от безумного младенца во чреве убиения,/ и подаждь нам, Спасе,// грехов оставление и велию милость.

**Аще попразднство Рождества Христова, И ныне, тропарь праздника, глас 4:**

Рождество Твое Христе Боже наш,/ возсия мирови свет разума:/ в нем бо звездам служащий,/ звездою учающа,/ Тебе кланяются Солнцу правды,/ и Тебе ведети с высоты Востока:// Господи, слава Тебе.

Аще же ни, И ныне, Богородичен, глас 2:

Егда ко Елисавети пришла еси, Мати Безневестная,/ тогда Предтеча радостию възграся во чреве ея/ и поклонися Богу в Тебе всельшемся,/ сего ради, Милостивая,/ сохрани младенцы чревоносимыя от всякаго зла,/ да похвальная зовем Ти:// благословенна Ты в женах еси, Всенепорочная Владычице.

Диáкон: Вóнмем.

Священник: Мир всем.

Лик: И дýхови твоёмý.

Диакон: Премýдрость, вóнмем.

Чтец: Прокимен, пс. 118, глас 4: Вразуми мя, и научуся заповедем Твоим.

Стих: Руце Твои сотвористе мя и создасте мя.

Диáкон: Премýдрость.

Чтец: К Тимофею послания святаго апостола Павла чтение.

Диáкон: Вóнмем.

Апостол к Тимофею, зач. 281-282 (1 Тим. 2, 1-4. 8-15)

Чадо Тимофее, молю прёжде всех творíti моли́твы, моления, прошения, благодарения за вся человеки, за царя и за вся, иже во власти суть, да тихое и безмóлвное житиё поживём во всяком благочестии и чистоте. Сие бо добро и приятно пред Спасителем нашим Богом, Иже всем человеком хощет спастися и в разум истины приити. Един бо есть Бог, и един ходатай Бога и человеков, человек Христос Иисус, давший Себе избавление за всех.

Хощу́ убо, да моли́твы творят мужие на всяком месте, воздeюще преподобныя руки без гнева и размышления. Такожде и жены во украшении лепотном, со стыдением и целомудрием да украшают себе не в плетениях, ни златом, или́ бисером, или́ ризами многоценными, но еже подобает женам обещавающимся благочестию, делесы благими. Женé же учити не повелеваю, ни владети мужем, но быти в безмóлвии. Адам бо прёжде создан бысть, потом же Ева. И Адам не прельстися, жена же прельстившись, в преступлении бысть. Спасётся же чадородия ради, аще пребудет в вере и любви, и во святых с целомудрием.

Священник: Мир ти.

Чтец: И дýхови твоёмý.

Диакон: Премудрость.

Чтец: Аллилу́ия, пс. 15, глас 4: Сохрани мя, Господи, яко на Тя уповах.

Стих: Благословлю Господа, вразумившаго мя.

Диáкон: Премýдрость, прости, услышим святаго Евáнгелия.

Священник: Мир всем.

Лик: И дýхови твоёмý.

Священник: От Матфея святаго Евáнгелия чтение.

**Лик:** Слава Тебѣ, Господи, слава Тебѣ.

**Диакон:** Вѣнчаем.

**Евангелие от Марка, от зачал 41 и 44  
(Мк. 9, 36-37. 10, 13-16)**

**В**о время оно, приимь Иисус отроча, постави е посреде ученик Своих, и объем е, рече им: иже аще едино таковых отрочат приимет во имя Моё, Менё приѣмлет, и иже Менё приѣмлет, не Менё приѣмлет, но Пославшаго Мя.

И приношаху к Немѹ дѣти, да коснется их, ученицы же прещаху приносящим. Видев же Иисус негодова и рече им: оставите детѣй приходѣти ко Мне и не бранѣте им, тацѣх бо есть Царствие Божіе. Аминь глаголю вам, иже аще не приимет Царствия Божія яко отроча, не имать внѣти в не. И объем их, возложь рѹце на них, благословляше их.

**Лик:** Слава Тебе, Господи, слава Тебе.

**И глаголет диакон ектению:**

**Помилуй нас, Бѣже, по велицей милости Твоей, молим Ти ся, услыши и помилуй.**

**На всякое прошение лик:** Господи, помилуй. (Трижды.)

Еще молимся о великом господѣне и отцѣ нашем Святѣйшем Патриархе Кириллѣ, и о господѣне нашем высокопреосвященнейшем митрополитѣ (*или:* архиепископѣ, *или:* преосвященнейшем епископѣ, *имярек*) и о всей во Христѣ братіи нашей.

Еще молимся о богохранимѣй странѣ нашей, властѣх и воѣнствѣ ея, да тихое и безмолвное житіе поживѣм во всяком благочестіи и чистотѣ.

**Прилагает и сѣя:**

**К** Тебе, Господу и Творцу всяческих, припадаем и сердцем сокрушенным вопиѣм: избави Отечество наше и вся люди Твоя от великаго сего нечестія, еже противу воли Твоя и естества человеческого чада во утробѣ сущія умерщвляти, и возстави народ Твой во благочестіи и умножи его на земли, молим Ти ся, Всесильне Царю, скоро услыши и помилуй.

**П**росвѣщаяй всякаго человека, грядущаго в мир, и согрѣшающих в разум истины приводяй, просвети благодатию Твоею сердца братіи и сестер наших, и в разумѣніе воли Твоя приведи, от грѣха чадобудія отврати, в чадородіи благослови, молим Ти ся, Всещедре Господи, скоро услыши и помилуй.

**Х**раняй младенцы, Господи, Сына Твоего Единороднаго во искупленіе наше давай и от Чистыя Богоотроковицы и Приснодевы Маріи вочеловечитися Тому благоволивый, сохрани жизни младенец, во чреве сущих, и благодатным заступленіем Твоим от смерти, недуга и всякія пагубы, наипаче же от злаго произволенія человеческого огради их и к рождѣнію предуготови, молим Ти ся, Отче щедрот и Бѣже всякаго утѣшенія, скоро услыши и помилуй.

Апостольским словом повелевый нам друг друга тяготы носить и тако исполнити закон Христов, укрепи сродники и домочадцы жен, во чреве имущих, следовати правде Твоей, молим Ти ся, услыши и помилуй.

Не хотяй смерти грешных, но еже обратитися и живым им быти и благоугождати пред Тобою, умудри и врачи к почтению священного дара жизни, от Тебе низпосылаемого, и да не обагрятся руки их пролитием неповинныя крове младенец Твоих, молим Ти ся, Спасителю мира, скоро услыши и помилуй.

**Священник возглашает:**

Услыши ны, Бóже, Спасителю наш, уповáние всех концев земли, и сущих в мóри далéче, и мýлостив, мýлостив бýди, Влады́ко, о гресéх нáших, и помýлуй ны: Мýлостив бо и Человеколюбец Бог еси́, и Тебé сла́ву возсыла́ем, Отцу́ и Сы́ну и Свято́му Дýху, ны́не и прýсно и во вéки векóв.

**Лик: Ами́нь.**

**Диа́кон: Гóсподу помóлимся.**

**Лик: Гóсподи, помýлуй.**

**Священник глаголет моли́тву:**

Владыко Господи Иисусе Христе Боже наш, сотворивый человека по образу Твоему и по подобию, мужеский пол и женский, и благословивый я и реки: Раститесь и множитесь и наполните землю, и Псалмопевцем Твоим открывый, яко Сам еси устрояяй кости и вся внутренняя коегождо еще во чреве матери его, Иже и в вочеловечении Твоем от Духа Свята и Марии Приснодевы и Богородицы во утробу Ея вселивыйся и в человецех родитися благоволивый!

Призри на моление сие, ныне Тебе нами возносимое, и светом Твоего богоразумия просвети матери чревоносящая. Теплою любовью Твоя согрей сердца их еже возлюбити чада их и воспитати во славу Твою, возвеселитися же и видением внуков и правнуков своих. Огради их от помысл неверия, самолюбия, омрачения греховнаго и лукавыя боязни, да не внидет сердце их пагубное намерение погубити носимыя под сердцем младенцы!

Вразуми же и укрепи вся сродники и знаемые их, наипаче же отцы чад, во чреве сущих, да не омрачатся сердца их малодушием и да не осквернятся уста их лукавым советованием детоубийства.

Страх Твой благий всади в сердца врачей и сохрани их от корыстолюбия, неверствия и жестосердия, а наипаче же от убиения нерожденных младенцев.

Укрепи власти предержащая Отечества нашего к прекращению великаго сего нечестия убиения нерожденных младенцев. Всем же в вере и благочестии подвижающимся благодатию Твоею благопоспеш и спасения венец нетленен уготови, да тако вси в тишине и благочестии поживше и Тебе благоугодивше, сподобимся части избранных в Тебе, Бозе и Спасителе нашем: Тебе бо честь и

поклонение подобает с Собезначальным Твоим Отцем и со Пресвятым и Благим и Животворящим Твоим Духом, ныне и присно и во веки веков.

**Лик:** Ами́нь.

**Диáкон:** Премудрость.

**Священник:** Пресвятáя Богорóдице, спаси́ нас.

**Лик:** Честнѣйшую Херувѣм, и слáвнейшую без сравнѣния Серафѣм, без истлѣния Бóга Сло́ва рóждшую, сущую Богорóдицу Тя велича́ем.

**Священник:** Сла́ва Тебѣ, Христѣ́ Бóже, упова́ние на́ше, сла́ва Тебѣ.

**Лик:** Сла́ва Отцú, и Сы́ну, и Свято́му Ду́ху, и ны́не и прѣсно, и во ве́ки веко́в. Ами́нь. Го́споди, поми́луй. (Три́жды.) Благослови́.

**Священник глаголет отпúст:**

[И́же в верте́пе роди́выйся, и в я́слех возлеги́й, на́шего ра́ди Спасѣ́ния,] Христóс, И́стинный Бог на́ш, моли́твами Пречи́стыя Своея́ Ма́тере, честнаго сла́внаго пророка Предтечи и Крестителя́ Иоанна, святы́х мучеников младе́нцев Вифле́емских и всех святы́х, поми́луе́т и спасе́т нас, яко́ Благ и Человеколю́бец.

**Лик:** Аминь. Го́споди, поми́луй. (Три́жды.)